



Stručni tim sarajevske Bela Vida galerije je u mjesecu decembru spremio posebnu postavku, čije otvorenje je zakazano za 18. decembar. Euforično i magično vrijeme oko praznika u Galeriji bit će obojeno mirisom i bojom vanilije, zanimljivim kulturnim dešavanjima i svesrdnom podrškom ka ugroženim grupama bh. društva.

Dizajn i uređenje doma u decembarskoj postavci čiji je naziv „U zagrljaju vanilije“ ima za cilj da ukaže na važnost ljubavi, brige, topline i podrške jednih drugima. Ambijent doma koji se predstavlja odaje ušuškanost, bliskost porodice i ljepotu enterijera koja je prvenstveno dekorisana ljubavlju.

U tom segmentu Galerija je uređena kao dom u prazničnoj atmosferi - sa mnogo nježnih linija namještaja, mekih tkanina, mirisom vanilin krofnica i sjajem novogodišnjih svjećica. Boje koje preovladavaju jesu tonovi žute, krem, karmin crvene i roze, kao mali dodatak glamura i ekstravagancije.

Uz mnogobrojne klijente iz zemlje i regiona, a iz svijeta dizajna i uređenja enterijera, posjetioci će od 20,00 sati moći da prisustvuju otvorenju uz poseban svečani program. U doba kada se kultura življenja i kultura uopšte kruni i osipa, Bela Vida hrabro pruža otpor, istrajno gradeći kvalitetan odnos sa svojim kupcima i posjetiocima.

Kako u decembru Bela Vida slavi prvi mali jubilej postojanja, za prvi rođendan stručni tim je odlučio da cijelom ambijentu da jednu ličniju notu, autentični pečat i posveti enterijer onima kojima su pomoć, pažnja i ljubav najpotrebniji.

Znajući gdje smo i u kakvom vremenu živimo, nemoguće je u ovom periodu darivanja i praznika ne pomisliti na naše najmlađe, na djecu i na generacije koje dolaze. Kako je kuća temelj i osnova dobrog odgoja, u decembru Bela Vida joj se i simbolično i konkretno vraća. Svaki dio Galerije bit će prostor gdje će se posvetiti pažnja pravim kvalitetima stanovanja, ali isto tako i pravim, pomalo zaboravljenim životnim vrijednostima.

Akcija koju bi svako od nas mogao podržati odnosi se na pomoć „Zavodu za zaštitu djece i omladine Pazarić“. Kupovinom jednog paketića u iznosu od 15 KM U Importanne Centru, automatski se kupuje još jedan za štíćenike ovog Centra. Društvena odgovornost ovoga puta boji enterijer u vatromet najvedrijih boja, kakvim će biti ozarena lica onih koji će se paketićima radovati za vrijeme novogodišnjih praznika.

Trenutna postavka 'Zimzeleni tragovi', koja je na fotografijama, može se pogledati do ponedjeljka, 17. decembra u holu Importanne Centra uz posebne popuste. Zimzelenim tragovima predstavljeni su Essenza, Lesnina, Extraform, Zedex, JUB, Ligne Pure, Zart, Čaltex, Senso, IGM, Ušak Ceramic, ISAA kamini, ABV sistem, Funinova, Studio 8, D'Art, te slikarica Adela Nurković-Kulenović.

Sve informacije o dešavanjima u Importanne Centru mogu se dobiti u holu na info pultu, ili preko [Facebook stranice](#) Importanne Centra (link na: <http://www.facebook.com/pages/Importanne-Centar-Sarajevo/222410261108047>)

Bela Vida poručuje: Život je lijep, a najljepši dom je tamo gdje je srce i ljubav.